




New Delhi, July 04, 2026: Climate activist, Sonam Wangchuk-i Jantar Mantar nung anogo tenetnübuba lumia longkak aitba mapang nung pa ajurustü aruba doctor tem den pai jembidang tangokba noksa nung angur. Kasa noksa nung Cockroach Janata Party (CJP) tentetsang, Abhijeet Dipke-a angur.

MHA-i UAPA kübok nisung 23 'kiralongrartem' ta sangdongogo

New Delhi, July 04 (Agencies): Honibarnü Union home ministry-i Pakistan nunger nisung 23 UAPA kübok kiralongrartem ta sangdongogo, aser parnok rongnung Lashkar-e-Taiba (LeT) den atongsema inyakterem aika densema lir. Parnok rongnung Hafiz Muhammad Saeed densema lir aser Jaish-e-Mohammad (JeM) den tesendaktep alirtem-a aika densema lir.

Kiralogrartem jagi India nung security sepaitem amakba, drone amshia raraba hadir shibelenba, social media ajanga lanurtem kiralongrar telok nung aniokba nung shilem agia lir, ta sorkar sangdong ajangasa metetdaksü. Pakistan nunger kiralongrartem 23 rongnung Jammu & Kashmir nung security sepaitem amakertem-a

densema lir. Tang tashi nung UAPA kübok India-i kiralongrartem ta sangdongba nisung ajak senteper 80 jungogo. Union Home Minister Amit Shah-i X ajanga, kiralongrartem jagi India anema inyakba mapatem nung shilem agia lir, kiralongra nung shilem agia lir, amokmerenba, ozüing alema raraba hadir shibelenba, arrtsü adena aitba, kiralongrar organisations ajungkettsüba aser kiralongrar tasenpur shimokba nung shilem agia lir, ta metetdaksü. "Kiralongra khenyongi magizüktettsüji Modi indang mangdang lir, aser iba dak sendakba nung tanü MHA-i Unlawful Activities (Prevention) Act kübok kiralongrar 23 sangdonger," ta Amit Shah-isa metetdaksü.

"Tanü kiralongrar 23 sangdongba nungjagi parnok 17 bo Pakistan nunger aser parnok 6 India nungertem lir. Ajisüaka parnok ajaki Pakistan aser Pakistan-occupied Jammu & Kashmir nungi amenoker kiralongrar. India aser nüburtem kümzüksü atema Modi sorkari kiralongra meshimeshia samatsütsü," ta paisa metetdaksü. Unlawful Activities (Prevention) Act (UAPA) ya ajanga nisung kati kiralongra nung shilem agia lira 'kiralongrar' ta sangdongtsü atema Centre sorkar nem tashi agütsür. Iba nungji ajemdaker National Investigation Agency (NIA)-i parnok senotsü lenmang shibangtsütsü, raraba hadir mayoktsü aser parnok meyong osetsüsset ajak aputsü.

Tzüngluruwa mongpu Parliament senden July 20 nungi tenzüksü

New Delhi, Chiteni/July 04 (Agencies): Tzüngluruwa mongpu Parliament senden July 20 nü tenzüksü aser August 13 tashi amentsü, ta Honibarnü Union Parliamentary Affairs Minister, Kiren Rijiju-i metetdaksü.

Rijiju-i X ajanga, "India sorkari benokba ama Tir, Droupadi Murmu-i tzüngluruwa mongpu Parliament senden ayongzükbä agizükogo. Iba senden ya July 20, 2026 nü tenzüksü aser August 13, 2026 tashi amentsü. Iba senden nung linük atema tongtimbang onüktem nung o enteptsü, o lemteptsü aser telemtetbatem agitsü," ta metetdaksü.

Taoba hopta parliamentary luden aika senden menogo. Ano külen Joint Parliamentary Committee (JPC) kati 130buba Constitution Amendment Bill asadangdar aser iba report ji July 17 nü metetdaksütsü. Iba Bill ya Ato kilonser, Chief Ministers aser Union mesüra State minister tem ozüing alema inyakba ken o tulu kar nung tai tonglokja anogo 30 dak tali pua yura menden nungi anentsütsü atema lir.

"July 17 nüa committee senden ka ayongzüksü. Committee jagi o lemtepbä mapang nung stakeholders-i benokba onüktem aika magizüksüa akok. Ajisüaka report nungji yimtenren tsütsü mang-ayangtsü asoshi tim masüba nung iba ozüing amshiba nokdangtsü atema ozüing inoksemtsü," ta osang ka ajanga

metetdaksü. JPC jagi iba Bill ji renemba sülen report ji July 17 senden nung metetdaksütsü, iba sülen agizüksü atema Parliament nung benoktsü.

Taruba Parliament senden nung opposition-i Defence Minister Rajnath Singh-i Operation Sindoor mapang nung India nunger sepaitem asüba osang tai agütsüogo, ta shia pa anema privilege motion benoktsüa akok.

Congress-i, Rajnath Singh-i Operation Sindoor mapang nung India nunger sepai shinga masü, ta ashiba ajanga Parliament nung tiyazü jembioigo, kechiyong sorkaribo Operation Sindoor mapang nung sepai trok asüba metetdaksüogo, ta ashi.

Congress lenir kati, sorkari National War Memorial nung Indian Army pongu asüba aser Indian Air Force officer ka asüba tenüing ajenloka lir, ta metetdaksü.

Congress lenir Venugopal-i, "Parliament nung Minister of Defence-i Operation Sindoor mapang nung sepai shinga masü ta ashibaji khenyongi tiyazü. Senden nung Minister kati tiyazü jembiba mesüra osang soita ayubaji senden mezüingmeshiba lir," ta metetdaksü.

Tan mongpu Parliament nungsa Lok Sabha aser state legislative assemblies nung tetsürtem nem menden shilem 33 shiteta yutsütsü atema Constitution amendment bill benoktsüa akok.

Tamil Nadu-i Bangladesh nunger 50 state nungi meindok

New Delhi, July 04 (Agencies): Tamil Nadu nung detention camp ka nung pua aliba Bangladesh nunger 50 linük nungi meindoktsü atema West Bengal-i yokogo.

Police security aika lenzükja Bangladesh nungerji state nungi apusoa yokogo aser parnok ajak Border Security Force sepaitem ket nung agütsütsü. Bangladesh nunger 50 (tebur 44 aser tetsür 6) ji Salem District kübok Attur taluk office complex nung aliba special detention camp ka nung puoka liasü.

July 3 nü parnok ajak camp nungjagi police van asem nung Tiruchirappalli-i anir ao. Tiruchirappalli nungjagi parnok ajak Howrah Express train nung aniketba sülen Salem Armed Reserve Deputy Superintendent of Police Sakthivel leniba nung police 40-i West Bengal-i anir otsüogo.

Tamil Nadu Police-i Bangladesh nungertemji West Bengal kübok Haridaspur land border nung aliba BSF sepaitem nem agütsütsü. Inyakyim ajak tembangba sülen BSF sepaitemi parnok Bangladesh ketdangsertem ket nung agütsütsü.

 केनरा बैंक Canara Bank सदस्यता संघ सदस्यता संघ	KIOJEN AYOKTSÜ SANGDONG	SPECIALIZED ASSET RECOVERY MANAGEMENT BRANCH 2nd Floor, Dee Bee Grande, 6 Mile, Panjabari Road, Guwahati-781022, E-mail- cb7259@canarabank.com
Securitisation and Reconstruction of Financial Assets and Enforcement of Security Interest Act, 2002 aser Rules 8(6) of the Security Interest (Enforcement) Rules, 2002 kübok kiojen E-auction asütsü sangdonger. Public dang, talisa tsünglanglen shia aliba sen apur (tem) aser Guarantor (tem) dang ya sangdonger, Secured Creditor dang mortgaged süa aliba tsünglanglen shia aliba kiojen ya Canara Bank nung Authorised Officer-i agiadokogo aser ibaji Canara Bank Branch-i sen apur & Guarantor dang nungi sentsüh alangzüksü atema22.07.2026 anogo nung kiojenji "Kong aliar yamaji" aser "Yangji aliba ajak" basis nung ayoktsü. Earnest Money Deposit (EMD) ji 22.07.2026 anogo nikongdang 11:00 ako tashi nung mesüra iba anogo matongdang asütsü. Auction ji website: https://baanknet.com/ ajanga "Online E-auctioning" asütsü. Auction anogo aser mapang: 22.07.2026 anogo nung anüngdang 11:00 ako nungi nikongdang 12:00 ako tashi (Ayokba maparen metembang tashi minute pongungu (5) atsülangtsü). Branch, sen apur/guarantor, liability, kiojen osang aser EMD, reserve price osang tejangja:		
(A) Secured Creditor/Branch Tenüing aser Address (B) Sen apur Borrower / Partner / Guarantor tenüing	Brief Description of Immovable Property	(A) Total Liabilities (Rs.): (B) Reserve Price (Rs.): (C) EMD (Rs.): (D) Increment Amount (Rs.):
(A) Canara Bank, Specialised ARM Branch, Guwahati 2nd Floor, Dee Bee Grande, Panjabari Road, Six Mile, Guwahati- 781022 (B) Borrower / Partner / Guarantor: Shiniho Kakheto Jakhalu S/o Shiniho, Marble and Granite House, Purana Bazaar, Kohima Road, Dimapur, Nagaland, PIN- 797112	Revenue Circle- Dimapur, Dist.- Dimapur, Nagaland kübok Thilixu, 3rd Mile, Block- IV, Bye Lane 5 nung Mr. Shiniho Kakheto Jakhalu tenüing nung aliba ali tasazük 1 Bigha 02 Katha 10 Lechas (200ft * 180ft = 36000.00 Sqft) As per land allotment order SI. No. 90 dated 25.05.2012 Bounded as under:- North: Approach Road, South: Fishery, East: Paddy Field, West: Holiheli.	(A) 91.20 Lakh (B) 92.96 Lakh (C) 9.30 Lakh (D) 0.50 Lakh
Iba sale telatetbatem aser osang tejangjaji Canara Bank indang website (www.canarabank.com) nung link "E-Auction" nung angutsü mesüra mapa inyakba anogotem nung office mapang yangi tongtepratepang- Branch Head of Specialized ARM Branch, Guwahati, 2nd Floor, Dee Bee Grande, Panjabari Road, Six Mile, Guwahati, PIN- 781022, Contact No. +91-7411004517. Date: 03.07.2026, Place: Guwahati Authorised Officer, CANARA BANK		

 इंडियन बैंक Indian Bank ALLAHABAD ALLAHABAD	Zonal Office : Dibrugarh T.R. Phukan Road, Chiring Chapor, P.O.: Dibrugarh- 786001 E-mail: zodibrugarh@indianbank.co.in	KIOJEN AYOKTSÜ NOTICE	[SEE PROVISO TO RULE 8 (6)] SALE NOTICE FOR SUBSEQUENT SALE OF IMMOVABLE PROPERTIES E-Auction Sale Notice for subsequent sale of Immovable Assets under the Securitisation and Reconstruction of Financial Assets and Enforcement of Security Interest Act, 2002 read with proviso to Rule 8 (6), 6 (2) & 9 (1) of the Security Interest (Enforcement) Rules, 2002
Public aser talisa sen apur (tem) aser Guarantor (tem) dang ya sangdonger, tsünglanglen shia aliba kiojen ya Secured Creditor dang mortgaged süa liasü aser iba kiojen ya Indian Bank nung Authorized Officer-i agiadokogo aser 27.07.2026 anogo nung "Kong aliar yamaji", "Koma lidir yamaji", aser "Yangji aliba ajak" basis nung ayoktsü. E-auction ajanga ayoktsü aliba kiojen osang tejangja teküboklen agütsür:			
Branch	A) Name of the Borrower/Guarantor/Mortgagor B) Due Amount	a) Details of the Immovable Property b) Property ID No.	a) Reserve Price b) EMD c) Bid Increment Amount d) Any Encumbrances on property
Dimapur	A) Borrower- M/s. Aki Automotives India Private Limited {Directors: (1) Mr. Kiyelu Sumi and (2) Ms. Kimiyetoli Achumi}, Address: 5th Mile, Near Faith Service (Indian Oil Petrol Pump), Dimapur (Nagaland), PIN- 797115; Director & Guarantor- Mr. Kiyelu Sumi, S/o Lt. Kikheto Sumi, Address: H/No. 128, 4th Mile, Diphupar A, Dimapur (Nagaland), PIN- 797115; Director cum Guarantor cum Mortgagor- Mr. Akato Sumi, S/o Lt. Kikheto Sumi, Address: H/No. 53, Thilixa Village, Block 1, Dimapur (Nagaland), PIN- 797111; Guarantor- Ms. Nukshikala Jamir, W/o Akai Aye, Address: H/No. 53, Thilixa Village, Block 1, Dimapur (Nagaland) PIN- 797111; Guarantor- Ms. Kimiyetoli Achumi, D/o Shri Atobo Achumi, Address: H/No. 128, 4th Mile, Diphupar A, Dimapur (Nagaland) PIN- 797115 B) Rs. 4,92,66,520/- (Rupees Four Crore Ninety Two Lakhs Sixty Six Thousand Five Hundred and Twenty Only) as on 30.06.2026 with further interest, costs, other charges and expenses thereon.	a) Dimapur, Nagaland nung Faith Hospital anasa Sewak Gate nung Akato Sumi tenüing nung aliba kiojen aser yangji aliba ajak, ali tasazük 2377 sqft, Patta No. 1484, Dag No. 107/1647, Mouza No. 02, Block No. 09 vide Registered Sale Deed No. 2425/10 anogo 22.10.2010. Arrtsü yamai lir: North tsütsülen Mr. Sukhato Sema'er kimong, South tsütsülen Meis Honglung Damei, East tsütsülen Mr. F. Pathwari aser West tsütsülen Main Road, Sewak Road. b) IDIB50482809247	a) Rs. 2,25,00,000/- (Rupees Two Crore Twenty Five Lakhs only) b) Rs. 22,50,000/- (Rupees Twenty Two Lakhs Fifty Thousand only) c) Rs. 50,000/- (Rupees Fifty Thousand only) d) Not Known any
e-Auction Anogo & Mapang: 27.07.2026 anogo nung nikongdang 1:00 ako nungi 5:00 ako tashi aser mapang telatet makai minute 10 atsülangtsü EMD amount agütsütsü atema tatembangbuba Anogo & Mapang: 27.07.2026 nikongdang 05:00 ako tashi.			
Telatetbatem tejangja atema yangi tongtepratepang Branch Manager : (A) Dimapur : 9612305626; (B) Zonal Office Dibrugarh: 9628610699			
Bid asütsüpurtem dang website (https://baanknet.com) nung onok indang e-auction service provider PSB Alliance Pvt. Ltd. ajanga online ajanga bid asütsü metetdaksür. Technical Assistance atema 8291220220 nung call suang. Registration status aser EMD status atema support.baanknet@psballiance.com dangi email suang. Kiojen osang tejangja den kiojen noksa aser auction indang telatetbatem jangjatsü atema https://baanknet.com nung reprangang aser iba portal dak sendakba metetpelatsü atema PSB Alliance Pvt. Ltd. den Contact No. 8291220220 ajanga tongtepratepang. Bid asütsüpurtem dang, website https://baanknet.com nung kiojen bushiba mapang nung tekalen shia aliba Property ID Number amshütsü metetdaksür. Date: 04.07.2026, Place: Dimapur Authorised Officer (Indian Bank)			